

Hulanda a laga sa cu e ta sigui e caso y kico?

Caso Namdar un bofta den cara di pueblo!

*Ministerio Publico mester bin cu bon splicacion

*Negociacionnan ta sigui mientras caso silencio

ORANJESTAD (AAN) - Informenan ta bisa cu e acuerdo di entendimento cu lo mester a worde firma basta dia pasa, a worde posponi cu dos luna. Esey ta nifica cu e proyecto Namdar/Royal Caribbean ta existi ainda, aunke nunca a mira e supuesto carta cu a manda pa Namdar pa bisa cu e no ta forma parti di e grupo, cu tambe a conoce aparicion di Ofer, accionista di Royal Caribbean, meti den un escandalo di placa bao mesa na Turquía. Ministerio Publico a bisa cu tin motibo pa cumenza un caso penal. Lunanan a pasa y te awe no a scucha mas di e investigacion di Ministerio Publico. Hulanda a bisa cu e ta sigui e caso. Tin caso of no tin caso mas? Ministerio Publico mester duna Pueblo un bon splicacion di e investigacion, manera ta socede na tur parti di mundo.

E informe cu Aruba lo conoce un proyecto di waf, tabata hubiloso. Royal Caribbean a presenta cu su partner Namdar, cu kende Alfonso Boekhoudt di APA NV a hiba negociacionnan, manera e mes a declara. Ora e noticia cu pa un proyecto di Namdar pa realiza loke tabata kier a realiza ariba waf, un carta a worde

manda door di Namdar na e Gobierno cu tabata sinta promer cu eleccion di 2005, cu ta e Gobierno di MEP mes, pa ofrece Un Miyon bao mesa, pa realiza e proyecto, e bom a rementa. Ministro Oduber, cu tabata esun cu mester a duna prueba oficialmente a base di un investigacion, cu nunca su Gobierno a ricibi placa y cu ta casualmente Namdar tabata den e proyecto, a manda un carta pa Ministerio Publico pa investiga e proyecto. A keda estableci cu Effi Namdar a manda e carta. Lo tabata tin dos testigo cu segun e abogado di Michael Williams, a mira Williams entrega e oferta di Un Miyon na Ministro Marisol Lopez-Tromp. Ministerio Publico a cumenza un investigacion prelimi-

nar. Despues e caso a perde den e furia di masbango entre Procurador General Teresa Croes y Ministro di Husticia, Rudy Croes. E investigacion a perde for di vista.

Informacionnan cu DIARIO a ricibi, ta muestra cu a alarga e tempo pa Gobierno negocia cu Royal Caribbean, cu dos luna. Gobierno no a papia nada mas di e asunto. Supuesto problema entre Comisaronan di APA/Gobierno y Alfonso Boekhoudt a muri y Alfonso Boekhoudt a bay China hunto cu Ministro Presidente pa busca China Comunista tambe pa haf. Mientras Ministerio Publico no ta duna señal di bida den e caso grave aki, Pueblo ta haya un bofta den su cara. Tabata tin hopi factor discutible den e proyecto,

mescos cu tanto otro proyecto na Aruba, cu no ta worde investiga.

Awor e benta di edificio di Gobierno y entrega di Caya Grandi na un grupito di comerciante, mientras bingohal ta worde reparti na gruponan sin cu Parlamento a duna su aprobacion, e caso Namdar ta keda dilanti vista. Importante ta cu Hulanda a bisa cu e ta sigui e proyecto,

pero con Hulanda ta sigui no ta worde bisa. Hecho ta, cu mescos cu den e caso Holloway, tur pista y tur testigo por worde elimina.

DIARIO ta sigui busca informacion den e caso aki pasobra si, sin un decision di Huez den un caso castigable, Gobierno no por kibra e acuerdo cu e tabata tin cu Royal Caribbean y Namdar, sin paga basta placa di Pueblo na compensacion.


A SANTO DOMINGO DIRECTO CON AVION GRANDE



SAGO TOURS

LLAMAR A TU AGENTE DE VIAJE
HECTOR TEL: 583-2210

BILL GATES BIN TUMA LES!!




BEST DEAL

Tel: 5827100

(Pariba di Aruba Bank, Paradera)

Productionan LANDER
Bubble Bath 3 pa Afl. 10,=
Mouthwash 3 pa Afl. 10,=



Baby Lotion
3 pa
Afl. 10,=

Body Lotion
3 pa
Afl. 10,=

Prijs mas abou no tin.
BEST DEAL Paradera.